



# 335 Farangurstrygging

## VÁTRYGGINGARSKILMÁLAR

### 1. Gildissvið vátryggingarinnar.

- 1.1 Vátryggingin bætir tjón sem verður á hinum vátryggða farangri af völdum bruna, þjófnaðar, flutningssslyss, skemmdarverka, ráns og innbrots, svo og ef hið vátryggða týnist alveg í flutningi þó með þeim takmörkunum sem um getur í skilmálum þessum. Með flutningsslysi er átt við atvik þegar bifreið, flugvél eða skipi hlekkist á og það veldur tjóni á hinum vátryggðu munum. Ennfremur merkir það tjón á munum í vörslu flutningsaðila.
- 1.2 Til farangurs teljast aðeins persónulegir lausafjárnir sem hinir vátryggðu hafa með sér á ferðalagi og eru ekki undanskildir í skilmálum.
- 1.3 Það er skilyrði að allur farangur vátryggingartaka sé vátryggður nema um sé að ræða vátryggingar á sérstökum hlutum. Ef verðmæti farangursins er meira virði en vátryggingarfjárhæðin segir til um greiðast bætur aðeins hlutfallslega.

### 2. Takmarkanir á gildissviði vátryggingarinnar.

- 2.1 Vátryggingin bætir ekki:
  - a. peninga, ávísanir, ferðatékka, farseðla, verðbréf eða neins konar skjöl,
  - b. tjón, þ.m.t. (þar með talið) eftir atvikum innri skemmdir, s.s. (svo sem) vélrænar bilanir, skammhlaup og aðrar skemmdir á rafkerfum, á brothættum eða viðkvæmum hlutum, svo sem útvarpstækjum, hljómplötum, geisladiskum, segulbandstækjum, myndbandstækjum, myndavélum, myndbandsupptökuvélum, gleraugum, postulíni, glervöru eða myndastyttum, nema tjónið orsakist af bruna, þjófnaði eða af því að flutningstæki hlekkist á,
  - c. rispur, beyglur, mar eða núning sem ekki rýra notagildi hins vátryggða,
  - d. töf vegna aðgerða opinberra aðila, löghalds töllyfirvalda eða tjón sem stafa beint eða óbeint af stýrjöldum, óeirðum, uppbotum, verkfallsaðgerðum eða öðrum sambærilegum atburðum,
  - e. tjón sem hlýst vegna kjarnorku, jónandi geislunar eða geislavirkra efna,
  - f. tjón á munum sem skemmast í notkun, t.d. (til dæmis) skíðum og öðrum ípróttaáhöldum,
  - g. tjón á hlutum sem stolið er úr ólæstum híbýlum, geymslum, bifreiðum og bátum,
  - h. tjón á hlutum sem vátryggður gleymir, týnir, misleggur eða hlutum sem skildir eru eftir á almannafæri t.d. afgreiðslum flutningsaðila, baðstöðum, tjaldstöðum, almennum snyrtiherbergjum o.s.frv. (og svo framvegis),
  - i. tjón sem stafar af ónógum eða lélegum umbúðum, sliti eða rýrnun, meindýrum eða eðlisbreytingum hluta,
  - j. tjón á ferðatöskum,
  - k. tjón vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira, af völdum hryðjuverka.

### 3. Landfræðileg mörk.

- 3.1 Vátryggingin gildir á ferðalagi erlendis.

### 4. Gildistími.

- 4.1. Vátryggingin gildir fyrir það tímabil sem tilgreint er í vátryggingarskírteini eða iðgjaldskvittun. Þegar tímabilinu lýkur framlengist vátryggingin um eitt ár í senn nema vátryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. (samkvæmt) gr. (grein) 5.1. Ekki er þó skylt að tilkynna uppsögn fyrr en tvær vikur eru til loka tímabilsins.
- 4.2. Nú hefur vátryggingaratburður orðið, sem leitt hefur til alvarlegs trúnaðarrests milli félagsins og vátryggingartaka, eða áhættumat, sem er til grundvallar vátryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja vátryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af vátryggingartímabilinu.



# 335 Farangurstrygging

## VÁTRYGGINGARSKILMÁLAR

### 5. Greiðsla iðgjalds.

- 5.1 Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.
- 5.2 Sé iðgjald ekki greitt þegar greiðslufresti lýkur skv. 1. mgr. (málgrein) er félaginu heimilt að senda sérstaka aðvörun þar sem greiðslu er krafist innan 14 daga ella fellur vátryggingin niður sé iðgjaldið þá enn ógreitt.
- 5.3 Hafi vátryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 5.4 Krafa um greiðslu iðgjalds er send á heimilisfang vátryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 5.5 Falli vátrygging niður skv. 2. mgr. skal vátryggingartaki engu að síður greiða iðgjald fyrir það tímabil sem vátryggingin var í gildi. Reiknast þá iðgjaldið sem um skammtímatryggingu hafi verið að ræða.
- 5.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

### 6. Svik og aðrar rangar upplýsingar.

- 6.1 Hafi vátryggingartaki við gerð eða endurnýjun vátryggingarsamnings sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og vátryggingaratburður hefur orðið fellur ábyrgð félagsins niður í heild eða að hluta, sbr. (samanber) 20. gr. vátryggingarsamningalaga. Rangar og ófullnægjandi upplýsingar veita félaginu ennfremur rétt til að segja vátryggingunni upp, sbr. 21. gr. laganna.
- 6.2 Veiti vátryggður við uppgjör bóta af ásetningi rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum vátryggingarsamningum sínum við vátryggðan eins og nánar greinir í 47. gr. vátryggingarsamningalaga.

### 7. Ásetningur og stórkostlegt gáleysi.

- 7.1 Valdi vátryggður tjóni af ásetningi ber félagið enga ábyrgð á tjóninu. Hafi hann valdið tjóninu af stórkostlegu gáleysi er félagið laust úr ábyrgð í heild eða að hluta.

### 8. Varúðarregla.

- 8.1 Vátryggður skal gæta farangurs síns vel og gera nauðsynlegar ráðstafanir, eftir því sem við verður komið, til að koma í veg fyrir tjón. Honum ber jafnframt að hlíta öðrum varúðarreglum sem settar eru sérstaklega hverju sinni. Brot gegn gildandi varúðarreglum getur leitt til þess að ábyrgð félagsins falli niður í heild eða að hluta.

### 9. Tilkynning um tjón – ráðstafanir vegna tjóns.

- 9.1 Verði tjón sem vátrygging þessi tekur til skal vátryggður leggja fram sönnun fyrir tjónsatburðinum og verðmæti muna. Tilkynna skal lögreglu á viðkomandi stað um þjófnað, rán eða innbrot og framvísa skýrslu hennar. Tjón sem verða á farangrinum hjá hótélum, flutningsaðilum eða öðrum skal tilkynna þessum aðilum og framvísa skýrslu þeirra. Tjón skal einnig ávallt tilkynna fararstjóra ef hans nýtur við.
- 9.2 Tjón skal ávallt tilkynna félaginu án ástæðulausrar tafar og leggja fram skýrslur og skemmda muni.
- 9.3 Vanræksla á skyldum vátryggðs skv. 1. og 2. mgr. getur varðað lækkun eða missi bóta efir lögum um vátryggingarsamninga.



# 335 Farangurstrygging

## VÁTRYGGINGARSKILMÁLAR

### 10. Vátryggingarfjárhæð, takmörkun á bótum og eigin áhætta.

- 10.1 Vátryggingarfjárhæð vegna hvers vátryggingartímabils er tilgreind á vátryggingarskírteini eða iðgjaldskvittun.
- 10.2 Verði tjón á einstökum hlut sem er meira virði en kr. (krónur) 40.000, miðað við vísitölu neysluverðs til verðtryggingar í júlí 1996 (176,7 stig), takmarkast bótaskylda félagsins við þá fjárhæð nema hann hafi verið skráður á skírteinið og verðlagður þar. Þegar tjón er metið skal tekið tillit til verðrymnunar hlutar vegna aldurs, notkunar, minnkaðs notagildis eða annarra atvika.
- 10.3 Vátryggður ber 25% eigin áhættu í hverju tjóni en þó aldrei lægri fjárhæð en getið er á skírteini eða iðgjaldskvittun.

### 11. Greiðsla bóta og vextir.

- 11.1 Krefjast má greiðslu bóta 14 dögum eftir að félagið átti þess kost að afla þeirra upplýsinga sem þörf var á til að meta vátryggingaratburðinn og ákveða fjárhæð bóta. Vátryggður á rétt á vöxtum af kröfu sinni skv. 50. gr. vátryggingarsamningalaga.

### 12. Endurkrafa á þriðja aðila.

- 12.1 Félagið eignast kröfur vátryggingartaka á þriðja aðila án sérstaks framsals enda hafi það bætt tjónið. Glataður farangur sem kemur fram er eign félagsins að svo miklu leyti sem bætur hafi verið greiddar fyrir hann.

### 13. Lög um vátryggingarsamninga, lausn ágreiningsmála o.fl. (og fleira).

- 13.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.
- 13.2 Ágreiningi varðandi vátryggingarsamning og bótaskyldu félagsins að öðru leyti má skjóta til úrskurðarnefndar í vátryggingamálum. Upplýsingar um nefndina og starfshætti hennar má fá hjá félaginu.
- 13.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af vátryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af vátryggingunni á heimilisvarnarþingi vátryggingartaka.
- 13.4 Heimili félagsins og varnarþing er í Reykjavík.

### Skráning í tjónagrunn Creditinfo Lánstrausts hf.

Tjón sem tilkynnt eru til vátryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálaafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónpola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónpóli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessi gilda frá 15. janúar 2019.